

شعارنا التميز

ثقافتنا
تتفوق
على
الجميع

كيف نستخرج

للصف الثالث الإعدادي

بنتائج العربية

الأستاذ / محمود صالح أحمد



01003961808



ثانيا المنادى المبني ، ويعرب منادى مبني على

أنواعه : منادى علم 2 / نكرة مقصودة شرحتها فوق عشان نقارن بينها وبين غير المقصودة.

1) **منادى علم** (يعني اسم) إنسان واسم بلد واسم مدينة

يا محمد ، ذاكر . يا مصر أنت الحياة. وهكذا

خلي بالك : لو قالك ناد على الله بطريقتين : يا الله أو اللهم من غير يا (وبيكون ديما نوعه علم)

ثالثا : منادى ما فيه ال

يعني لو عاوز تنادي على اسم أوله ال (لازم تستخدم أيها . وأيتها)

وركز ال بيبي بعدهم 99% نعت في منهجك.

يا أيها الطالب (طبعاً المنادى هنا هو كلمة (أي) فقط عشان أوع تنسى وال بيبي بعدها زي ما اتفقنا نعت هنا يعني الطالب نعت . (والمنادى) ده نوعه نكرة مقصودة ديما.

ملاحظات مقلبظات

1/ **خلي بالك أي** ضمير اتصل ب المنادى بيكون منادى مضاف ..مثل : يا ربنا ، يا بني ، يا مصرنا ، وهكذا

2/ **أيضا خلي بالك** لو المنادى جه من الأسماء الخمسة منادى مضاف برضه

3/ **أي اسم مركب منادى مضاف** (يا عبدالله ، يا عبدالرحمن وهكذا.....

الدرس الثاني ازاى تستخرج بدل

أول شيء عاوزك تعرف أن البدل ده قلود يعني عشان تعربه لازم تعرب الكلمة ال قبله الأول

1) أول حاجة تدور عليها هي البدل المطابق وهيجيلك عبارة عن:

1/ **اسم إشارة + ال = بدل**

مثل: هذا الطالب مجتهد (طبعاً هنا الطالب بدل وخلي بالك لازم تشيل البدل ويكون الجملة ليها دور على

معنى عشان تتأكد برضه



2 / لقب + اسم = بدل . مثل: الفاروق عمر عظيم .

طبعاً هنا الفاروق اللقب يبقى عمر هو البديل. (ب)

3 / تكرار الكلمة لتوضيحها

أحب اللعبة لعبة بيجي (لعبة الثانية بدل ياض (ب)

4 / اسم اتصل به ضمير + تسميته بلدي مصر (ب) مصر هنا بدل ياض ، وطني مصر ...

ملاحظات مقلبظات

1 / لو جه قبل اسم الاشارة أداة نداء فالاسم ال بعده حتى لو فيه ال لا يعرب بدلا ولكن يعرب نعتا

مثل : يا هذا الطالب ، اجتهد (الطالب هنا نعت.

2 / مقلوب اللقب نعت / يعني لو عكست يبقى نعت. مثل : عمر الفاروق عظيم . الفاروق هنا نعت

(ب) طب ملقتش دول بقي يبقى بصراحة حظك وحش وتبدأ تدور على (ب)

1 / دور على بدل بعض من كل ، أو بدل اشتمال

والفرق بينهم بدل بعض من كل حاجة بيتلمس . وال مش بيتلمس اشتمال

وهتستخرجهم ، 1 / تبحت عن جملة فعلية

2 / تبحت فيها عن كلمة نكرة فيها ضمير عائد على الكلمة ال قبلها

مثل : رأيت الطالب شعره (شعره) أهي كلمة نكرة وينفع تحذفها

يبقى (بدل) وطبعاً الشعر بيتلمس (يبقى بعض من كل)

أعجبني الولد ذكاؤه (الذكاء مش بيتلمس يبقى اشتمال)

خلي بالك عشان خاطري ال بيجي بعد

أعجبني وأوزانها فاعل مش مفعول به عشان
الياء هي ال مفعول به . فيجيك مثال : أعجبني
الطالب

ذكاؤه / ذكاءه / ذكائه . اختار ذكاؤه

عشان الهمزة على الواو بتاخذ المرفوع ،
والسطر المنصوب . وال على نبرة مجرورين

الدرس الثالث (أسلوب المدح والذم)

طبعاً المخصوص بالمدح
الحاجة الحلوة ال
بتشكرها والذم الحاجة
الوحشة ال بتذمها

أولا (صيغتا) نعم - بئس)

المخصوص بتاعها يبقي مؤخر جوازا

خلي بالك مينفعش المخصوص بالمدح فيهم يجي بعد الفعل على طول

مثل: نعم الصفة الأمانة .

نعم / فعل ماض جامد . الصفة . فاعل مرفوع بالضمة . الأمانة . المخصوص ويعرب مبتدا مؤخر جوازا مرفوع بالضمة

الرخم بقي لما يقلك استخرج فاعل نعم و بئس . الأول عاوز أقلك أن الفاعل بيبي بعد نعم ، بئس ع طول تمام

1/ الفاعل يكون معرف ب ال) يعني بيكون أوله ال

مثل (نعم الخلق الأمانة) شايف الفاعل هنا الخلق وجه اوله ال أهو

2/ الفاعل يكون نكرة مضافة لما فيه (أقرع وبشعر) يعني يجي اسم مفيهوش ال وبعده اسم أوله ال

مثل: نعم خلق الولد الصدق (شايف الفاعل هو كلمة خلق ، وجه بعده مضاف اليه أوله ال

3/ الفاعل يكون ب (من) الموصولة للعاقل ،،، و (ما) الموصولة لغير العاقل

نعم من يتصدق محمد ،،،، بئس ما تفعله الكذب

4/ الفاعل يكون ضميرا مستترا) وركز هنا اووووووي عشان هنضبع

ازاي بقي يجي مستتر ، انه يأتي مكانه كلمة نكرة منصوبة تعرب تمييز

خد القاعدة دي : نعم أو بئس + كلمة نكرة منصوبة تعرب تمييز ، وهنا بقي تعرف أن
الفاعل جه مستتر وجه مكانه تمييز عشان يعرفك . مثل: نعم خلقا الكرم . شايف خلقا
نكرة وتعرب تمييز وتقول الفاعل ضمير مستتر تقديره هو . بس كده .



والآن مع صيغة النسكافيه (1x2) 😊😊 ((حبذا،، لا حبذا))

ودي يا صديقي فيها الفعل والفاعل في نفس الوقت

، وال بيجي بعدها خلي بالك لازم يكون المخصوص وراها ع طول وبيعرب مبتدأ مؤخر
جوااااا عشان خاطري وجووبا عشان خاطري وجووبا عكس نعم، بئس

مثل: حبذا العمل

حب فعل ماض جامد ، ذا اسم اشارة مبني في محل رفع فاعل ، العمل مبتدأ مؤخر وجووبا مرفوع بالضمه.

الدرس الرابع الممنوع من الصرف (وافتكرو الممنوع من الصرف اسم وربنا 😊)

لو قالك استخرج ممنوعا من الصرف وخلص كده ،

ابحث الاول عن الممنوع من الصرف لعة واحدة

1/ اسم ينتهي بألف تأنيث مقصورة يعني اسم آخره ألف (ا. ي) مفتوح ما قبلها) مثل : كبرى ، دنيا

2 / اسم ينتهي بألف تأنيث ممدودة . يعني اسم آخره ألف وهمزة على السطر) صحراء. جرداء ، جرباء

بس خلي بالك لازم الهمزة تكون زائدة يعني لوجبت الماضي مش هيكون آخره همزة أو حرف ا ، ي

3 / صيغة منتهى الجموع) يعني جمع تكسير في نصفه ألف وبعده حرفان مثل: مساحد ، مصاحف

أو جمع تكسير في نصفه ألف وبعده ثلاثة أحرف في وسطهم ساكن (حرف مد) مثل: مساكين ، تلاميذ

خلي بالك من الصيغ دي (أغان - مبان - مواد)

طب لو رخم بقى وقالك لسبين تبحث بالترتيب كده عن

افتكر علم ، يعني اسم
انسان أو بلد

علم + سبب تاني وركز والله لازم يكون علم

1 / علم مؤنث (حمزة ، مصر ، سعاد ، جهنم)

خلي بالك مصر دي تنفع تبقى ممنوعة من الصرف وتنفع تبقى مصروفة عشان مكونة من 3 حروف في
وسطهم ساكن . وهكذا زي هند...



01003961808

6

الأستاذ / محمود صالح أحمد

مذكرتي
Moskrty.com

معلم اللغة العربية

2/ علم أعجمي (يوسف ، رونالدو، إسحاق)

أو أي اسم نبي في القرآن بس خلي بالك ماعد المجموعين في جملة صنم شله دول مصروفين

افتكر : صنم شله

صالح ، نوح ، محمد (ص) شعيب ، لوط ، هود

3/ علم مركب (بور سعيد ، ستي سنتر، حضر موت, بعلبك

4/ علم آخره ان زائدة (عثمان ، رمضان)

5/ علم على وزن فعل (عمر ، جحا)

6/ علم على وزن الفعل (أحمد، يزيد)

ملقتش دور على صفة + سبب

1) صفة على وزن أفعل (أفضل ، أحسن) دي أشهر حاجة بتيجي وربنا مهمة جدا

بس خلي بالك اوع تكون أفعل في أسلوب التعجب عشان هتكون في الحالة دي فعل

مثل: ما أجمل السماء ! هنا أجمل دي فعل مينفحش نطلعها.

2/ صفة آخرها ان (وركز دي صفة ها صفة مثل : عطشان ، جوعان

3/ صفة على وزن فُعل (آخر...)

4/ صفة على وزن فعال و مفعول (ودي الأرقام من 1-10) بس بالشكل ده

أحاد- موحد. ثناء مثنى

إعراب الممنوع من الصرف

الممنوع من الصرف يرفع بالضمة ، ينصب بالفتحة ، بس يجز بالفتحة ، بس خلي بالك كده الفتحة علامة فرعية.

ولكن عشان يتجر بالفتحة لازم يتوافر فيه شرطان 1

/ لا يبدأ ب ال. 2) لا يأتي بعده مضاف إليه

خلي بالك (ع) لو فقد شرط من دول يجز بالكسرة عادي

مثل : سلمت على علماء مجرور بالفتحة، سلمت على العلماء مجرور بالكسرة عشان بدأ ب ال



صليت في مساجد المدينة (مساجد مجرورة بالكسرة عشان جه بعدها مضاف اليه.

السؤال أبو درجتين أهوووو

اجعل كلمة (مساجد) مجرورة بالفتحة مرة ، وبالكسرة مرة

طبعا هنستخدم الجملة بتاعتنا ونحط في الاخر مرة ال ، ومرة منحطش ال

اكشف في المعجم عن مساجد

اكشف في المعجم عن المساجد

الأستاذ محمود صالح

صالح أحمد

ذاكر وعافر فرحة أهلك تستاهل



01003961808

8

الأستاذ / محمود صالح أحمد

معلم اللغة العربية

مذكرتي
Mozkrty.com